

Laisiangthou Bulphuh

Huan, zing an a nek khit un, Jesu'n, Simon Peter kiang ah, Simon, Johan tapa, nang hiaite sa'ng in kei n'on it zaw hia? a chi a. Ama'n a kiangah, He, Toupa, k'on it chih na thei hi, a chi a. Ama'n a kiang ah, Ka belamnoute vak in, a chi a.

- Johan 21:15

Thumna Makai

> November Nipini nanung pen tan Hehpihna kiching toh hon ompih a, Amah bekhawm-phatkhawm thei dia hun hoih hon bawlsak Toupa min Phat in kipahtu gen ni.

> November khasung a Amah min thupina dia sep leh bawl, kizatna I neihte zia in Amah (Pathian) kia in Thupina tang hen la, sepkhelh/val omleh A ngaihdamna ngen in thum ni.

> December kha matuah dia I kisaklai in salam kisakholhna chingloutak himahleh Amah hatna toh chidam leh kipak a hon muhsak ding ngen ni.

> BCD Graduation Day I zat toh kiton in kumthak a Piching lut ding Senior naupangte Toupa khut hat a kemsak ni. BCD Sinsaktute leh naupangte - Thanuam leh kilawptak a kimakaih tuah zomzel thei ding in thumpih ni.

> Central Solkal in sum note 500 & 1000 hon sihsak phut zia a mimal, inkuan banah saptuam hon sukkhak lam I theichiat hi. Hiai solkal panlakna zia a Agam nasepna in a bahloh louhna ding in heutate, sumsaite thumpih in, mimal chih kithumpih chiat ni.

> Nipini nawn December kha a Nipini masapen hun a biakkhawmna hunseh kigelte Toupa khut ah laan ni. Hiai hun a chidam a Amah bia leh phatte lak a tel ding a kisakhawl in Amah ompihna ngen ni.

Anngawl Thumna Om Ding

Hongtung ding December 4, 2016 in Biakna kikhop patma 9:30 AM in Anngawl thumna Biakin Basement ah a om nawn ding. Hiai thumna hun ah saptuam, khotang, nam-legam leh awlmohhuai thute share khawm a thumna hun zat hiding. Thumna lam a kal sangzaw suan ding in Toupa en in hamchiam tek ni.

Alunglutte kihongtak a telchiat ding in Toupa'n hunhoih leh chidamna hon pia hen aw. Mahni ann nek tang thoh utte'n antang/sum in tawi theih gige ding.

TUNI BIAKNA HUNZEK

9:30AM- Counselling Hun

11:00AM- BCD GRADUATION DAY

Piitu	: Htp. Zabiak, Secy, BCD.
Mipi Phatkhawmna	: BCD Worship team.
Thilpiak Lantu	: Upa Kam Suanthang
Pem laklutna	: Local Secretary
Vaidawmna & Graduate te pulakna	: Superintendent, BCD.
Special Nos.	: i) BCD Heutate ii) Andria Niangsanlunte unau.
Short speech	: Graduate te
Graduate te adia Thumsakna	: Pastor H Biakson
Thugenna	: Pastor N Tuang Lang
Special Nos.	:
Mipi Phatkhawmna	: BCD Worship team
Hunkhakna	: Upa Damsomthang

Tea Fellowship - Singpi dawn kawm a kithuahkhawmna

2:00PM - Sunnung Biakna Kikhop

Biakna leh Phatna	: WT makaih in
Thilpiak Latna	: Upa Khamkhanpau
Phatna la	: Lia Muankim Hauzel
Pastor Thumsakna	: Pastor
Thugenna	: Rev.(Rtd) S. Ginjam
Phatna la	: Lia Mansiankim
Phatkhawmna	: WT makaih in
Hunkhakna/Vualzawlina	: Upa B. Langkham

Tea Fellowship - Singpi dawn kawm a kithuahkhawmna

Nipini paita [20.11.2016] Biakna Thilpiak Lakkhawm

Sawm-a-khat - ₹ 58,558/-; Nipi Thilpiak - ₹ 6,904/-

Missionary vakna - ₹ 4,600/-; Joint Project -Nitha - ₹ 650/-;

NIPINI NAWN BIAKNA HUNZEK

December 4, 2016

9:30AM- Anngawl Thumna - Pitu : Pastor

11:00AM- ZING BIAKNA KIKHOP

Pathian' Phatkhawmna	: WT makaih in.
Thumkhawmna	: Mipi
Thilpiak/Latna	: Upa H. Kam Suanthang
Khateng Thumsakna	: Pastor N. Tuang Lang
Thugenna	: Upa Khamgoupau
Thumsakna	: Pastor N Tuang Lang
Pathian' Phatkhawmna	: WT makaih in.
Hunkhakna & Vualzawlina	: Upa Damsomthang

2:00PM - SUNNUNG BIAKNA KIKHOP

Biakna leh Phatna	: Worship Team
Thilpiak Latna	: Upa Ngulminthang
Short Sharing	: Pa Thuamsiam
Thugenna	: Pastor H Biakson
Phatkhawmna	: WT Makaih in
Hunkhakna	: Upa Thangkhsiam

HUN TUIBANG A LIAMZEL LAI IN

2 Korinte:13:5 Ginna ah na omna uh hiam chih noumau ngeingei ki-en chian zel un. Ahihkeileh, noumau ah Jesu Khrist a om chih noumau ngeingei in na thei chian kei ua hia?

Hunte tuibang in a liamzel takpi hi. Hun sawt pai nailou i sak kal in, kum 2016 beina ding kha khatlel hong om nawnta. A haksa a nuam tampi i tuak ding, himahleh hon pitu leh khoutuatu i biak Pathian hoihna hang in, hiai tan i tung a, Aman thupina tang hen!

Awle, hunte tuibang a liamzel lai in, i ki vel chian ding uh. Ginna ah i omna hiam? I ginna siampa leh hihkipa I Toupa Jesu ah ginna leh muanna teng i ngazel mah hiam? Amah kia en a mitsuan in i pai zel ding uh. Amah enlou a, thildang a muanna nga ihih leh i buai pah ding hi. Amah a tawl ngeilou, a bah ngeilou, a hihkhal ngeilou i Hondampa kulhpi muanhuai ahi. Amah ah i ginna uh i nga thak ding uhi.

Hunte tuibang a liamzel lai in, i hinna in i sih ding hun a dakkal, a minute in naih tulhtulh hi. Huaiziak in, i hinna bang dinmun a om ahia, chih ikivel nawn di uh.

Hunte tuibang a liamzel lai in, khamangthang tam pi sihna hanmual ah liam zungzung hi. Nang leh ken khate hotdamna ding a Pathian in hihtheihna leh mohpuakna hon piak tungtawn a i mohpuak omchiat, bang i chi sep a? Thugen hiam, lasak hiam hiam hikha sese lou maithei. I sep leh seplouh dan ahToupan hon vaihawm ding hi. I mohpuakna pen tak na sem khazel ihi na hiam? Kivel ni.

Hunte tuibang a liamzel lai in, i "tu hun" hunzatdan i kivel ding uh. I "tu hun" tuh i hun manpha neihsun ahi. Toupa'n hiai hun hon piak zelte a manpha in i zang na hiam? Toupa' adin bang i chizat a? I innkuan adin bang i chi zat a? Hun awl bang i chi zat a? Tulai a i vanzat facebook, whatsapp etc toh a phatuam di omlou kikupna leh chimthawina a hun zangbei zel ihi zaw hiam? Toupa, i hinna leh hun hon pe pan khatvei ni chiang in hon chian ding hi. A manpha na ding hiam?

A tawpna ah, hunte tuibang a liamzel lai in, kum 2016 hun leh ni i na neihaite manpha theipen in i zang ding uh. Tukum i hun zatsa ah, hihkhelb bawlkhelh leh a nuamlou leh haksa i tuah tampi omte, ahisa a hita hi. Tui bawsa bangmah i luakkik theikei hi.

Khristmas leh Kumthak programme i maban ah om, manphatak a i zattheihna ding in kisakhoh ni. Jawlnei Isai leh Baptispa Johan gen bang in, Toupa' hong paina ding I hinna/lungsim lamlian i sial ding uh. Aw Jesu tuni'n kou lungsim bawng inn sung ah, hong piangthak nawn in, i chi ding uh. Mari leh Joseph bang in i kisakhoh ding uh. Belamchingte bang in i hamphat pih sawm ding uh. Kum 2016 manphatak in mualkhum sak ni. Tua ding in Toupan hon vualzawl hen aw!

DECEMBER 2016 USHER

Toupa'n dam a Khathak (December) hon muhsak lamem in DECEMBER 2016 sung Mipi Biakkhawmna hunte a Usher dingte :

11:00 AM Biakna :

Tualsung Baptist Saptuam Upa Committee (TBSUC) - apan

2:00 PM Biakna :

BYF Pushp Vihar-Madangir-Nanakpura Area - apan

SUNNA HUNSEH KIZANG

Mr. Pauchinlian (41) of College veng b/o Nu Ngailianching (w/o Pa Mangsuan, Pushp Vihar) in Nisim Nov 23, 2016 zinglam in innlam ah damlouhna zik in honna beisan hi.

Sanggampa Lian sunna leh khamuanna hunseh Pa Mangsuan inn, H.no.1203, Sector 3, MB Road, Pushp Vihar. New Delhi, Near Khanpur T point ah Nisim 23.11.2016 nitak dak 7:00 in Bial Upa leh Pastor makaih a zat in om hi. Pastor H Biakson in Khamuanna thu gen in lusun inkuante adia thumsakna nei hi. Lusun inkuante I thuakpih thu I taklang hi.

THILPIAK SUMLEPAI TOH KISAI KIZAKSAKNA POIMOH

I theihchiatsa bang in, solkal in sum ₹500 leh ₹1000 note-te, Nov.8 zankim apan zat theihnawnlouh chi in thupuan bawl hi. Himahleh bank tungtawn a zattheih sum toh khektuah ding phal hamham lai hi. Phallouh hun hong tung guihthei ah omlel hi. Niteng a note khek, account a deposit leh lakkiak theih limit kikhek thithe a, saptuam sum, saptuam account a deposit ding tak ngial leng nidang banglou in haksa mahmah hi.

Ban ah tuabang note te lalou/pelou ding in leng theihsakna/thuhilhna bawl hi. News kimudan in, income tax dept in leng religious leh charitable institution te kiang ah hiai sum note sitate sang lou leh zangkhelou ding in hiai bang in theihsakna bawl hi "the taxmen has also advised these institutions not to accept or pay 'for any of your activities after nov 8, 2016' in the scrapped denominations of the currency".

Hichibang hun a saptuamte (religious institution) adia leng pilvan ngai ahihdan phawk in Thilpiak (Nipi thohlawm, Antangpham, Missionary Vakna, Sawm-a-khat leh adangdang) te I thoh/piak chiang in a zattheihthe mah pechiat ding in i kingen in i kitheisak ahi.

SAPTUAM BANK ACCOUNT DETAIL

"Evangelical Baptist Convention, Delhi"

A/c No. 11084241142

State Bank of India, New Delhi Main Branch, Parliament Street,
New Delhi - 110001,

IFS Code SBIN0000691

Email: finance@ebccdelhi.org leh

Mob. No. 9818687331 ah piakna details theisak zel le kichian mahmah ding.

TBSUC MEETING THUPUKNA KHENKHAT

Nisim 19.11.2016 a Tualsung Baptist Saptuam Upa Committee meeting thupukna - mipi theihtuak khenkhat I taklang hi.

1. Khristmas 2016 leh Kumthak 2017 lopna - Biakna leh lenkhawmna a zat a, ankuang luina neihlounh ding chih ahi. (Biakin kiim a gam awngte zat theih ahih nawnlouh ziak in). Khristmas leh Kumthak Ni poimohte a Biakin cheina leh physical arrangement poimoh bangkim TBYF in mohpuakna hon ladia seh ahi uh.
2. Office Assistant lakna dia DPC kisepte recommend bang in Mr Sailingding Guite of Harinagar offer kibawl hi. Aman offering letter a condition kipiate a pomtheih leh Dec. 1, 2016 in OA nna join ding chih ahi.
3. June 21, 2017 a EBCC Delhi kum 25 (Silver Jubilee) chingta ding ahihman in hiai hun poimoh zatna neih ding leh hiai hun a General Secretary, GBC leh EBCC Delhi a Pastor a na omkha te chial ding banah Rs. 6.5 lakh budget bikhiah in om hi.
4. Tualsung Dept. te kitelthak hun nawn ding ahihtak man in anuai a bang a election notification suah ahi.
 - a) Candidate list bawlzoh hun di - 12.02.2017
 - b) Scrutiny of Candidate - 28.02.2017
 - c) TBSUC & TBDFC ding telna - 05.03.2017
 - d) TBMC & TBYFC ding telna - 12.03.2017
 - e) Commissioning - 19.03.2017
 - f) Office Bearer kiform huntawp - 26.03.2017
 Kitelna peuhmah zinglam leh sunnung lam biakna a neih tuaktuak ding banah TBDFC leh TBYFC in amau Department ading candidate list hon bawl ding uh chih ahi.
5. Dan palsat a nupa na hita Unaute H Kamzagin s/o Upa H Ginzathang & Nianglunching te thununna hun a bei a, kisik a ngaihdam a nget bang un kithakna tungtawn a dansung a laklut ding phal ahi. Amaute tuni nitaklam in kiteng thak ding uh.
6. Dan palsat a nupa na hita Unaute Thangdinglian s/o Upa T Kaithang leh Buonsangpui te, itna ziak in a tompen a kha 6 guk thunun hi uhi.

CHANDIGARH AH VA HOH UH

EBC Headquarters a heutate deihna bang leh EBCC Delhi TBSUC lemsakna bang in Chandigarh a I saptuam mi hunkhop omta leh amaute EBC Saptuam a din a lunglut thu uh zak ahihbang in Nisim 25.11.2016 nitaklam in Pastor N Tuang Lang, Local Pastor, Upa Dr Langkham leh Pa N Vumsuan, Chairman, TBMC te Chandigarh veh in va kalsuan uhi. Amau zan nitak in dam leh bittak in hong tung nawn ta uhi.

Chandigarh ah Upa B Goumang Inn a va kinga in, saptuam mi omte a lemtang theite inn va sik ua, zan (26.11.2016) sunnung in amaute toh kithuahkhawmna hun manphatak zangzou in hon kiksian phot uhi.

THANKS GIVING -CUM- FELLOWSHIP NEI

Kum 2016 sung a Tualsung Baptist Children Department a om Heutate'n zan kiginni (26.11.2016) zingdak 11:00 a kipan in Biakin Basement ah Fellowship manphatak na zang uhi.

Hiai Fellowship hun ah Pastor H Biakson a kipan Hasotna manphatak ngaihkhiah hi a, Heutu paikhawm ten naupangte kepna/sinsakna a nuam leh haksa asak uh omte genkhawm in hun zang uhi.

Amau kum khat sung Naupangte sinsakna a a pankhawm dante uleh Naupangte hinkhua a dinmun poimohtak a luahkhak dante uh sutkhawm in hampaha kisa mahmah uhi.

Kipahthugen a thumkhawmna hun a zatzoh un Lunch nekkhawmna nei in hun zou uhi.

MARRIAGE ENRICHMENT SEMINAR

October 7 & 8, 2016

- Upa Chinsum,
Mahavir Enclave

Thupatna: The Journey Church (TJC), New Delhi leh Elim Resource Centre (ERC), Guwahati pangkhawm in a sai, "Marriage Enrichment Seminar | Oct 7 & 8 ah nupa in vapang thei ung. Ni nih sung zinglam dak 10 apan nitaklam dak 4 tan zel program, kop 12 (sawm-le-nih) telna di'a a gel ua simtel (huamsak khak) a om hamphathuai hinah e! TOUPA hoihi.

Vatel Khakdan: "Magnifying Christ through ministering people" cih thupi paipih, The Journey Church [The Dwaar Centre, A 2/5, Africa Avenue Road (Above TATA Motors), Safdarjung Enclave] enkoltu Pastor Letlal in fb tungtawn in hibang Marriage Seminar om diing ahih thu hon zasak in vapang di'n cialna zong honbawl ngal hi. Seminar thupi in honhip banah Toupa zat di heutate Dr. JM Paupu & Sis. Lucy Dimnu | Guwahati leh Mr. Tom & Sis. Jeanine | USA te min muh cia'n kilawpna lian a, "TOUPA'N lem hon sakpih leh tel diing" ci in ka nupa ua kithukim in na hanciam ung.

Seminar a Telte: TOUPA a hoihi a, Seminar a tel di'a minkhum nupa kop 12 lak ah, kop 9 tel thei ung. Seminar tungtawn a Khalam-salam vualzawlna tang nupa kop 09 te:- TJC, New Delhi apan kop 04 [Letlal & Pinky, Paobul & Nengboi, Boithang & Tingcha, Len & Linda], EBCC, Delhi apan 03 [Sum & Kim, Suan & Ruth, Kap & Ching], PCI (R), Delhi apan 01 [Lal & Ngai], huan, Immanuel (CBA) Church, Delhi apan 01 [Mang & Vung].

Sinsaktu, Heutate Kihawmdan: Zingkal Kipumpiakna Hun, Sam 127 & 128 pansan in Mrs. & Rev (Dr.) JM Paupu te nupa in hon makaih ua, kisinsakna hun dangte (session 10) Mr. Tom (71) leh a ji Sis. Jeanine (84) te'n la uhi. Mr. Tom & Sis. Jeanine te nupa in amau nupa khutsuak "Leaders Guide: Planning for Successful Marriage" pansan in nupa paikhawm kop 9te makaih in sinsak ngiatngiat uhi.

Sinkhiak thute lak apan khenkhat: Mr. Tom leh a ji Sis. Jeanine te'n a genna uah, nupa hinkhua pen lametna leh kinetna sangtak tawh kipan tou hisim ciat ahi. Hucih lai in, nupa hinkhua-a buaina (conflict) omsak thei, akoi-akoi a dik tangpi teelkhiakte; point 5 – (a) Sumzekna (Finance), (b) Kithuzaktuahna/ Kithuzaklouna (Communication), (c) Numei-pasal kipawlna (Sex), (d) U-le-nau, pi-le-pu, ni-le-gang te (In-laws), leh (e) Sakhkuana (Religion). Nasep panglou ginna tuh ginna si ahih bang in, kitenna lawhcing I cih le hicia hong om mai hi mahmahlou, sepkiak (work) ngai ahi, ci ua, kim-le-kiang leh midangte'n ei ngaihnutna bawl uh himawk lou in, tuate'n I lungput hon genkhesak sek hizaw (people and circumstances do not cause our attitude/ spirit, they only reveal it), ci lai uh.

Mr. Tom leh Sis. Jeanine te sinsak Pasian Geldan Innkuan kilepdan hiai bang hi: 1na – Pasian, 2na – Pasal, Ji leh Naupangte (Poimawhdan kibang, pankhakna tuam ciat), 3na – Thildang tengteng in zui (innkuan khit in).

Heutupa JM Paupu leh a ji, Nu Dimnu te'n Bible sutnouneelna hon neihpih un hinna chawm in manpha lua sak in om. Ps. 127 apan in, Pasian laizang pen hinna nupa hinkhua (God centred married life) honggen ua, mihing khat adi'a Pasian pen a suangphum (foundational) ahihna taklang kawm in, tua ahih khaklouna hinkhua/ nupa pen, life insurance bangteng kibawl mahleh, omzia neilou ahi ci'n thugen aban pek 4na ah....

honpan uh. Khatnawn ah David in, TOUPA, Nang tuh suan tengteng tan a ka omna uh na hi (Ps. 90:1) na ci thei. Eite'n bang I ci a? Johan 15: 4 ah, Kei ah om gige un... Amah ei a teeng ahi (Piangthak hitate). Ps. 127:1 a TOUPA'N inn A lam kei leh... kici pen English ah 'present tense' a kigelh ahi. Inn pen TOUPA lampihna poimawh tawntung hihang.

A tunga Thu a gen lai in, Htp. Paupu in Gen 2: 18-25 Thu hon gen kaai a, t. 20na a 'panpihtu' (helper) kigen pen Hebrew in ezer hi, Bible ah ezer 15 vei kizang, Gen 2: 20 ah kizang masapen. Sam 46:1 a a kizatna bang ah ezer, Pasion genna in kizang. Kha Siangthou, Tanchin Hoih Johan gelh a Jesu lawhkhak, eite 'ezer' ahi. Tua man in, nupa pen pankhakna leh tavuan tuam mahleh aniamzaw-asangzaw cih omte hilou hi. Nupa pen a kihou/ a kithuzak di, kibukimsak tuah di, dem bel kidem (compete) het lou di; a kizam bang kitheisamsak a, tha kipiaktuah zawk diing ahi. Ganhingte hiai kitenna vai ah simtel hilou uh (animals are not part of marriage), tua tawh kiton in, Adam panpihtu di a kituahpih ganhing lak ah TOUPA'N mu lou.

Htp. Paupu leh Htn. Dimnu gen point dang khenkhat –

- * Ji hoih TOUPA akipan ahidhan Pau. 19:14 ah I mu. Adam in a nget ma-a ji hoih vapuaktu TOUPA ahi.
- * Nupa pumkhat (1+1=1) suak di'a kiciamna pen Pasion laka thuciam ahi, kiteng saktu pastor lak ah himawh lou in. Tua man in, ta neih leh neih louh pen TOUPA in piak (neihsak) pawl, leh piak louh pawl ki-om hilel a, kibuaisakna/ kikhenna di'a thucing hilou hi.
- * Nih pen khat suak (two become one) hita cih ahihman in, ki-it leh kibildawh-tuah poimawh lua hi. Ka koppih nu/pa in bangci tan in hon lungkimsak a, cih dot sang in, “Bangci zawng in ka koppih kipahna di ka seem kha thei di'a?” cih dotna dik hizaw.
- * Nupate poimawhna khatna kipiaktuah (keep each other as No. 1) di ahihlai in, ipu-ipa apan I luahsuk tawndante'n hon ukzou mahmah ahihman in, ei kivaipuakna ah haksa diak abang hi. Malaki 2: 13-14 sung ah, nupa kal fuh zawhlouhna TOUPA'N poisa ahidhan I mu. I buaipih leh mitmeiven sek, viz. U-le-nau, pi-le-pu, ni-le-gang te'n gah kipahuai suah himah hiam cih kidot zelzel tuak.
- * “Nang tawh I kiten khak hampaha kisa, kipak mahmah ka hi...” kici tuah a, kizahpihna tel lou memory bawl khawm di'a I kisak lai in, umpire (whistle muttu) tampi'n nupate hon umkual uh ahihman in baihlou hi. I tawndan/ I paidan I cihte'n ei nupa kal kizopna bahsak hia, cih kidot a; bahsak di'a a lat leh nupa kizopna mah a kiik, poimawh ngaihzawh kizam ahi (biblical).
- * Gen. 2: 24 a I muh, Bible hon sinsak - paisan lam leh belhna di lam om (leaving & cleaving) tungtang theichet poimawh. Paisan lam a fuh/ fel zawh khop leh belhna lam kip/ fel di, nupa hinkhua nuam leh innkuan kilamtouhna ah lamzang diing nupate hi hang.
- * A' mi na zahtak ziak in, a thu mang mawh ke'n, Bible sinsak tawh a kituah ziaka mang hizaw in. 1na a Pasion leh hon sinsak Thute I honkoih cia'n morally, ethically, & biblically in hongdik di'a, kihangsan in kilamzang lai diing hi. Ahizong, mi teng pahtak bel kilawh khollou kha diing hi (“I paidan ahikei,” etc).
- * Khalam a mit tawsa a piang, pianken a mittaw, Jesu Khrist tatna vanga vaksak a omte I hi. Nupa kal a kituklutna (submission) kigen bang le, a kikim mi nih kikal a zuih di, kivaualau ziak hiam, a.k.l. nget tawh or sawl thawh ziak a piang/ kihih ahih louh di ah (between two equals by choice, not because of one's demand or command or intimidation).

ZCF DELHI IN HON CHIAL

Toupan thupha hon muhsak lamem in Zomi Christian Fellowship, Delhi in hongtung ding Dec. 3, 2016 (Kiginni), nitaklam dak 4:00 in Mount Carmel, A-21, Anand Niketan ah *Joint Advent Christmas* cum **SINGSONG SERVICE** a zatna hun uh uap ding in saptuamte hon chial uhi.

Hiai hunzek ah “**O Come, Let us Adore HIM**” chih thupi pansan in Lasak a Biakhhawmna nuamtak omdia, Sharing **Pastor H Biakson** apan leh Christmas Message **Rev Dino L Touthang** apan ngaihkhak hiding hi. Thumna toh kisakhawh in, ahun ah saptuamte a tam theipen tel ding in na kiging lehng chi in I kitheisak hi. Hiai hun zatna ah *EBCC Delhi Worship Team* banah *EBCC Central Delhi Worship Team* leng Praise & Worship hun makaihtu dia seh hi uhi.

DANSIANGTHOU IN KITENGTHAK (DING) UH

Unaute Kambiaksang s/o Paukhankap of Kangkap (Munirka a om) leh Elcy Lunching d/o K Tualzagin, Munirka a om te apaita nisim 14.11.2016 sunnung dak 4:00 in I biakin ah Pastor H Biakson khut tungtawn in kitengthak uhi.

Huailou in, tuni, sunnung biakna kikhop tawp in Unaute Kamzagin Hangshing s/o Upa H Ginzathang, Jiribam (Munirka a om) leh Nianglunching d/o Soikhup, Munirka a om te Pastor H Biakson mah in kitengthak sak ding hi. Amaute Khristian Nupa kituak, etton tham hong hih zom zel uh deihsakna I khak hi.

BYF CORNER

LAPAWL ZILNA OM DING - Tuni sunnung biakna kikhop tawp in Toupa Phatna Lapawl zilna neih ahih nawn ding. Tuailaite a tam theilam teldia lamet leh chial I hi.

EBC KUMSIM KHAWMPI A HOHDINGTE

Dec.8-11, 2016 sung Gospel Centenary Hall, New Lamka a EBC Kumsim Khawmpi 68na hun a I saptuam apan palai va kihel dingte: Pastor N Tuang Lang, Pastor H Biakson, Upa Damsawmthang, Upa Kam Suanthang, Upa Khamkhanpau, Upa Thianzakham, Upa Thangkhosiam, Upa Tuanmuanthang, Upa Khamgoupau, Upa Chinsum, Upa Dr Langkham

- * Ei Pasion pen tawndan tuamtuam, pau tuamtuam a neite' Pasion (Our God is a multi-cultural God) ahihman in Delhi khawpi khawng a I hong khawsak cia'n biakna vai leh vai dangdang ah I tate bang cibang in I sinsak ua? Ei tawndan, paidan I cih luat khak leh, amau a niteng school/ college kaina leh lawm thuhna ua atuamtuam vamu lel uh ahih ci'a, hong hithei gige lou om diing ahi.
- * I pupa ngeina, I pau I ham zuun in kembit mah ni, Laisiangthou sinsak tawh a kituak ciangte! Tua kawm in I tenpih namdangte lak a tel (kihel), mau tawh sephawm-kithuahkhawm a poimawh dan zong mangngilh ngeikei ni; metro cities khawng a I khawsuahna di'a poimawh ahi. Amen.

Thukhupna: Oct 8 - Sam 128 thu Htp. Paupu leh a ji in hon sutnoungeel pihlai un [Pasion (t.1), Mi pasal (t. 1-2), A ji (t.3), Tate (t. 3), Zion or Jerusalem (t. 5), Legacy/ Heritage (t. 6a), leh Israel (t.6b)], lungsim hong kihong petmah a, “**Hih Sam 128 sunga Bible thutuun teng bangci zawng hiam a na kim khinzou hilou hiam?**” ci kha hial ing. Thupi lua... TOUPA'N minthanna ngahta hen!